

OKVIRNI SPORAZUM
usluga servisiranja liftova i platformi za prevoz invalidnih osoba za
potrebe Ministarstva unutrašnjih poslova Kantona Sarajevo

Strane u okvirnom sporazumu:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa, po ovlaštenju premijera Kantona Sarajevo, ministar Dr. sc. Omer Osmanović, (u daljem tekstu: Ugovorni organ) i

"LIFTMONT" d.o.o. Sarajevo, ulica Republike Bugarske broj 26, koje zastupa generalni direktor Hodžić Aida, (u daljem tekstu: Dobavljač)

saglasno konstatuju:

- da je u skladu sa Zakonom o javnim nabavkama ("Službeni glasnik BiH", broj 39/14) proveden je otvoreni za nabavku usluga servisiranja liftova i platformi za prevoz invalidnih osoba u skladu sa uslovima iz tenderske dokumentacije, sa ciljem zaključivanja okvirnog sporazuma sa jednim ponuđačem na period od tri godine;
- nabavka je izvršena na osnovu Odluke broj 01-11-4-7045 od 30.12.2021. godine i Obavještenja o nabavci broj 1364-7-2-41-3-24/22 od 15.04.2022.
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- obaveza nastaje zaključivanjem pojedinačnih ugovora o javnoj nabavci, na osnovu ovog Okvirnog sporazuma, u zavisnosti od potreba Ugovornog organa, a pod uslovima utvrđenim u ponudi Dobavljača broj P-49-22 od 22.04.2022. godine i Izvještaju o toku i završetku e-aukcije od 20.05.2022. godine.

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci usluga servisiranja liftova i platformi za prevoz invalidnih osoba u skladu sa uslovima iz tenderske dokumentacije, ponudom Dobavljača, odredbama ovog Okvirnog sporazuma i stvarnim potrebama Ugovornog organa.

Količine navedene u specifikaciji su okvirne i važe za vrijeme važenja okvirnog sporazuma.

Ukupna vrijednost ovog okvirnog sporazuma bez PDV-a iznosi 2.390,00 KM, slovima (tridesetdevethiljadaosam stotina i 00/100 KM).

Cijene su fiksne i ne mogu se mijenjati za vrijeme važenja ovog Okvirnog sporazuma.

Član 2.

Nakon zaključenja okvirnog sporazuma, Ugovorni organ će zaključiti pojedinačne ugovore o javnim nabavkama. Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Član 3.

Ugovorni organ će ugovorenu cijenu plaćati u roku od 30 dana po dostavljanju fakture.

Član 4.

Dobavljač je dužan da isporuči usluge u roku koji će biti definisan pojedinačnim ugovorom o javnoj nabavci koji zakluče Ugovorni organ i Dobavljač, u skladu sa ovim okvirnim sporazumom i prema uslovima prihvaćene ponude.

Član 5.

Dobavljač se obavezuje da ugovorenu isporuku usluga izvrši u rokovima definisanim u prihvaćenoj ponudi.

Član 6.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili omogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti i slično. Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ovaj okvirni sporazum se zaključuje na period od tri godine, a stupa na snagu danom obostranom potpisivanja.

Član 8.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.

Ovaj okvirni sporazum izrađen je u četiri istovjetna primjerka, od kojih po dva zadržava svaka strana.

DOBAVLJAČ
"LIFTMONT" d.o.o. Sarajevo

direktor
Hodžić Aida



UGOVORNI ORGAN
MUP KANTONA SARAJEVO

PO OVLAŠTENJU PREMIJERA
ministar, Dr. sc. Omer Osmanović



Broj: 57/22

Datum: 22.08.2022 g.

Broj: 01-11-4-7045

Datum: 15-08-2022